



UNIVERSITÄTS-  
BIBLIOTHEK  
PADERBORN

**De Ortv Et Progressv Ac Viris Illvstribvs Ordinis  
Gloriosissimæ Dei Genitricis, semper Virginis Mariæ de  
monte Carmelo**

**Trithemius, Johannes**

**Coloniae Agrippinae, 1643**

Cap. II. Restituti Carmeli progreßio, & institutum.

---

[urn:nbn:de:hbz:466:1-64495](https://nbn-resolving.org/urn:nbn:de:hbz:466:1-64495)

B. VIRGO TERESA

IV. NON. OCTOB. CLDXXCII.

MANET SVB MARMORE NON CINIS,  
 SED MADIDVM CORPVS, INCORRVPTVM,  
 PROPRIO SVAVISSIMVM ODORE,  
 OSTENTVM GLORIÆ.

## CAPVT II.

*Restituti Carmeli progressio, & institutum.*

**V**T curioso Lectoris animo satisfiat, æquum erit, instituti à B. Virgine *Theresia* instaurati rationem, ac progressionem breuiter exprimere. Clementissimus ergo Deus hac ætate Virginem hanc excitauit, vt opus excelsum moliretur. Cum enim per annos plures inter moniales Carmelitanas egisset, nec illud mite viuendi genus sitim diuini amoris, quo flagrabat, expleisset: grandi ausu arctiorem vitæ disciplinam ad eò fauste condidit, vt non Virgines plurimas tantum, sed eximios quoque viros ad imitationem allexerit, claustro egressa multas vrbes obierit, monasteria multa construxerit, eodemq; tempore Patres illos, qui eam æmulari cœperunt, ad cœnobîa plura condenda permouerit. Fuit autem progressus, Deo propitio, tantus, vt Congregatio à *Sixto V.* in prouincias distributa, & à *Clemente VIII.* Generalem proprium nacta fuerit, quæ postquam *Hispaniam* impleuit, & ad Occidentales *Indos* palmites porrexit, nunc in Italia coalescens de Orientis ac Septemtrionis missionibus serio cogitat.

Opportunum quippe, & suæ, & proximorum saluti proficetur institutum, ex contemplatione actioneque pia ita permixtum, vt primam & potiorem partem contemplatio, secundam, & posteriorem actio sibi vendicet. Vt vero partis vtriusque

M 2

fun-

functiones perfectius obeat, licet ubique intactas eiusdem regulæ præscriptiones obseruet: sub regula tamen eadem quaternæ cœnobiorum genera diuersis modis instituit. Ijs enim, qui recenter induuntur, monasteria à sæcularium commercio dissiata condit: ijs, qui à concionibus, prælectione, sermone, alijsve laboribus interquiescunt, alia in Eremitis assignat: ijs, qui Philosophiæ, ac Theologiæ nauant operam, propria collegia tribuit: ijs qui prædicationi, sacramentorum administrationi, alijsque pijs erga proximos operibus insudant, viciniora urbibus cœnobia erigit: quæ tamen omnia in scopum eundem concinna varietate conspirant. Denique ut saluti eorum, qui ab Ecclesia exulant, pro virili consulat, in Vrbe Seminarium extruit, vnde Religiosi feruentiores, doctrina, linguarum peritia, & alijs eiusmodi dotibus insignes, ad exteras nationes, iuxta Summi Pontificis arbitrium, pro Christo legatione fungantur.

Exercitia vero Congregationis, vtrique instituti parti, seu fini congruentia, hæc sunt: Pro contemplatione tuenda, solitudo, silentium, ieiunium, asperitas vitæ, cura recessus adeo exacta, ut excepto Priore, Concionatore, Confessario, Procuratore, ad opera necessaria prodeuntibus non solum domo egredi, sed neque intra Claustrum deambulare, nec vero nisi statis horis ad chori, cœnaculi, oratorij, & aliorum locorum communes actus, vel peculiaria officia cuique iniuncta obeunda, cella vquam exire liceat. Recessus autem minime otiosus est, regula grauitè aiente: *Maneant singuli in cellulis suis, vel iuxta eas die ac nocte, in lege Domini meditantes, & in orationibus vigilantes, nisi alijs iustis occasionibus occupentur.* Oratio, quæ mentalis appellatur, & contemplationi gradum struere debet, binis quotidie horis; altera mane, altera vespere exercetur, oratorio ad hoc opus destinato, quo Fratres vniuersi conueniunt.

Horæ

Horæ vero Canonicae, quæ contemplationi mentem adaptant, ita dicuntur, ut Matutinæ, nocte media; ceteræ statutis temporibus in choro sedate, & quoad fieri potest, religiose solvantur. Examen conscientia, quo diuinæ contemplationis impedimenta depelluntur, & animus, ut niteat, & perspicacius cœlestia sensa concipiat, expurgatur, bis in commune per singulos dies paulo ante prandium, & noctis somnum habetur.

Silentium, quod rebus caducis ostium oppilat, ut æternas ore clauso custodiat, religiosissime colitur; neque enim Fratres, nisi de peculiari Superioris concessu, mutuo colloqui possunt; tantum abest, ut cum sæcularibus sine venia verba facere liceat; verum à prandio per annum integrum, & à cœna per ætatem, horam circiter unam in loco uno Fratres comiter, ac modeste colloquuntur.

Corporis castigatio, quæ pondus carnis extenuat, ut agilius mens ad cœlestia feratur, austera est: nam esus carnis, nisi morbus premat, interdicitur; ieiunium per septem continuos menses protrahitur; ubi sextas anni totius ferias, & vigilias minime recensemus. Vestis rudis, nuditas pedum, lectulus tribus, quatuorve tabulis constructus, duabus lodicibus, & puluino laneo tantummodo stratus, terna per hebdomadas singulas verberatio, & paupertatis Apostolicæ cultura corpus animo subiugant, & ad expetenda diuinæ consuetudinis solatia, ubi temporanea desunt, acriter incendunt.

Quod vero ad piam spectat actionem, quæ posteriori instituti pars est, omnibus festis per totius anni decursum, & per Quadragesimam, iuxta patriæ morem, concio habetur; & Sacramentorum frequentia commendatur, & alitur. Societates laicorum annexæ cœnobijs eriguntur; ubi de morum correctione, idoneo Sacramentorum usu, orationis exercitio, status electione, ac eiusmodi alijs admonentur, & ad Christianam perfectionem incitantur.

Trium autem votorum cultus accuratissimus est: obedientia quippe exiguum aquæ potum, sine Superioris expresso consensu, quasi graue piaculum horret: & in morem introductum est, vt omnes cordis latebræ Superioribus aperiantur, eorumq; consilio per omnia regi vniuersi Fratres impent cupiant. Castitas studiosissime colitur, vt decet purissimæ Virginis filios: sunt enim actus Congregationis omnes ad eam perficiendam appositi. Paupertatis Apostolicæ studium plane mirum est. Nemo quippe præter lectulum, libros è communi bibliotheca de Superioris venia depromptos, Crucem ligneam, duas vel tres imagines papyraceas, vel pomum quidem vnum habere permittitur.

Humilitas (quam Congregatio velut reginam veneratur) præter exercitia familiaria, & obsequia Fratrum alterna, sancitur voto quarto, prælationem, vel officium intra Congregationem non ambiendi, & extra, nisi obstringente Summo Pontifice, non accipiendi.

Charitas demum, quæ structuræ torius fastigium est, multa exercitiorum æmulatione succrescit. Clementissimus enim Deus ad hæc omnia peragenda cœlestis gratiæ vim abunde largitur: quam ad gloriam immortalem suam, & animarum salutem, hac potissimum tempestate perficiat. Institutum hoc leuiter à nobis adumbratum (quod exceptis functionibus, & ritibus, quos femineus sexus excludit, à Monialibus æquè colitur) B. Virginii TERESIÆ acceptum referendum est.

## CAPVT III.

*Sixti V. Pont. Max. diploma, quo reformatio Ordinis à B. TERESIA instituta adprobatur.*

**S**IXTVS PAPA V. *Ad perpetuam rei memoriam.*  
Quæ à Prædecessoribus nostris pro personarum, maximè Religiosarum bono regimine,